

PPko parlamentarioek «'hooligan' talde bat» ematen dutela esan du EAJk

«Huesoren iraina ez da anekdota bat, PPren jokabidearen azken adibidea baizik»

Joseba Arruti / Bilbo

EAJren iritziz, Ricardo Hueso PPko Gasteizko parlamentarioak Ibarretxe lehendakaria iraindu izana «ez da anekdota hutsa, alderdi horren jokabide harroputzaren azken adibidea baizik». EAK, UAK eta IUK ere Hueso kritikatu zuten atzo, eta EHk «zirkua» iritzi zion jazotakoari.

«JUAN JOSE IBARRETXE lehendakariak PPko legebiltzarkide Ricardo Huesoren aldetik jasandako iraina ez da anekdota bakartua, alderdi politiko horren sumindura estrategiaren azken urratsa baizik», esan zuen atzo prentsaurrekoan Xabier Ormaetxea Euzko Abertzaleak legebiltzarkide talde jeltzalearen koordinatzaileak.

Ormaetxeak Eusko Legebiltzarreko azken bilkuran barikuan jazotakoaren balorazioa egin zuen atzo goizean Sabin Etxean, Jose Antonio Rubalkaba EBBko kidearen eta Nuria Lopez de Gereñu legebiltzarkidearekin batera. Euren irudiko, «Hueso jaunaren jokabideak kortesiazko eta heziketako arau oro urratu ditu eta gertatutakoa ezin da ganberako korridoreetan barkamen eskaera hutsa egitearekin konpondu, bere iraina eta harrokeriazko jarrera Euskal Herriaren zati garrantzitsu baten eta bertoko erakundeen aurka baitoa».



SANTIAGO JIMENEZ / EFE

Nuria Lopez de Guereñu, Xabier Ormaetxea eta Jose Antonio Rubalkaba, atzoko prentsaurrekoan.

Huesok «popatik hartzera azken hau tribunan hitz egin ari zenean. Huesok hitz horiek esan zituela ukatu arren, lehendakariak berak, Legebiltzarreko idazkariak eta zenbait sailburuk eta legebiltzarkidek» entzun ziotela esan zuen Ormaetxeak.

Ordezkarik jeltzaleen esanetan, «euren jarrera doilorra-ekin PPko parlamentarioek hooligan talde bat ematen dute, legebiltzarreko eztabaidetan beste hizlarien hizpidea eteten eta zalaparta sortzen ibiltzen baitira».

Xabier Ormaetxearen berbetan, «PPkoek sumindura politiko artifizia sortu dute

baina zorionez ez dute lortu hori maila sozialera eramatea, nahiz eta horren beldur garen». Ondorioz, «jokabide hori errotik aldatzea» eskatu zien popularrei.

Huesori Legebiltzarreko Mahaiak ezarri beharreko zigorrak, EAJkoek ez zuten neurri zehatzik aurreratu nahi izan «hori ez baita benetan ardura duena, PPren jokabidea bera baizik».

Alderdien kritikak

Ricardo Huesok EAEko lehendakariarekin izandako jokabideak zenbait alderdi politikoren kritikak eragin zituen atzo. UAKo idazkari

nagusi Pablo Mosqueraren arabera, Hueso bere alderdiko kidea balitz «kanporatu egingo genukeen».

EAKo Rafa Larreinaren iritziz, Huesoren iraina «hiritarren ordezkari den Lehendakari zuzenduta zegoen, hiritar guztiei, beraz». Bestalde, EB-IUren irudiko iraina «PP buru duen sumindura egoeraren sintoma da».

Azkenik, Arnaldo Otegi zera esan zuen gai honetaz Donostiako manifestazioan: «Ezker abertzaleari sarritan esan zaio zirkua montatzen duela. Hala ere, gure lana serioa izan da beti eta ostira-lean ikusi zen nork montatzen duen benetan zirkua».

Huesok ukatu egin du Ibarretxe lehendakaria iraindu zuenik

Erredakzioa / Bilbo

RICARDO HUESO PPko legebiltzarkideak ukatu egin zuen atzo Ibarretxe lehendakariari «popatik hartzera» joateko esan zionik, eta «aski da» besterik ez ziola esan ziurtatu zuen. Bere hitzetan, «esaldi horrekin gezur, hipokresia, faltsukeria eta gauza horietaz guztietaz aski dela esan nahi izan nion».


Hala, Huesok adierazi zuen gertakizuna jazo eta gero Ibarretxerekin hitz egin zuela «hitzez hitz jazotakoaren berri izan zezan» eta beste edozein interpretazio «erabat faltsua» dela erantsi zuen. Huesoren arabera, bere heziketan ez zioten «sekula horrela hitz egiten» irakatsi.

«EAJ jazotakoaz baliatzen ari da»

Hala ere, EAEko PPko bozeramaile Leopoldo Barredak ez zituen aipatu atzo Huesoren adierazpen horiek eta Eusko Legebiltzarrean bere alderdiko kidea protagonistatzat izan zuen gertakizunari «tamalgarria eta desegokia» iritzi zion.

Barredak esan zuenez, «EAJ horretaz baliatzen ari da Ajuria Eneko Itunaren printzipio etiko eta demokratikoei uko egin eta gero duen erantzukizun politikoa ezkutatzeko». Barredaren berbetan, «surrealista da EAJk prentsaurreko bat deitzea gai honetaz hitz egiteko».

EKONOMI SUSTAPEN ETA ENPLEGU



ZURE ENPRESAREN ETORKIZUNAREN ALDE LANEAN

LAGUNTZA PLANA 2000

- ARABAKO PYMESETAN LEHIAKORTASUNA HOBETZEKO LAGUNTZA PROGRAMA. (PROMECO)
- ENPRESAKO UNITATE BERRIEN SUSTAPENERAKO PROGRAMA. (PRONUE)
- ARABAKO ENPRESETAN TREBATZEKO LAGUNTZA PROGRAMA.
- IRABAZTEKO XEDERIK GABEKO ENTITATEETAN TREBATZEKO PROGRAMA.
- TURISMOA SUSTATZEKO JARDUERAK EGITEKO PROGRAMA.

INFORMAZIOA: Tel. 945 18 18 18 Ext: 2726
Fax. 945 18 17 64
E-mail: jlasarte@alava.net

Edo begiratu hemen:
www.alava.net
A.L.H.A.O. 50zk.2000ko maiatzaren 5a

Arabako
Foru Aldundia



Diputación
Foral de Alava